



Relation Truezus

COMPOSET var sujet breizerez, muntr cabiten ar
valimant hanvet an Alexandr eus a Kourdel;
muntr al letanant; muntr ar mestr eqipach,
hac eus a bevar martolod; loeronciou, pillach,
ha fausseres paperiou ar valimant, erruet en
Indes sav eol, ar 27 eus a vis Du 1837.

Var ton ar Plach libertin.

ME ho ped a galon, Speret a Sclerisen,
Da deurtzout hirto cundui va fluen,
Evit ma ellin donet d'am brois da ziscleria
Crimou euzus meurbet a rei d'an oll crena.

Mar den douc rei d'anaout an actionou vad,
O cuniz eus a grimou e zeus goal galonad.
Caromp bepret ar vertuz, bezomp oll gür
gristenien.

Ha detestomp ar c'hrim hac an oll vuntreien,
C'houi, martoloded paour, eustum onz an
danjer.

Obijet da stourma enep ar goal amzer,

Diouc'h tempest, diouc'h ar rec'hier, ha diouc'h
ar môr furorus,

Etoues an oll fourgass bepret qer danjerus.

Gant ar gonrach ardant, en amzer ar brezel,

C'houi a gombatte ferm hon enemiet mortel;

Er fonç eus ar pontoniou, coulz evel er pri-
soniou,

E vouiec'h, vit ho pro, souffr pep seurt tour-
mantchou.

Mes bremâ neo qet se a drugare Doue

A ranqit da zivoal evit ho sureté;

Diouza vuntretien e zeo, pere'nasonjec'h biqen

A vije n'em rentet james da vonrre vien,

Sellaouit, Bretonet, dre istoffe'houi, tud avôr,

Recita torfejou deus ar brassa horror,

Coumettet dre an arrach deimeus an ambition,

Ha dre an ancoupac'h eus ar Relijion.

Daou vloas so e parti deimeus a guer Bourdel

Ur vatimant carguet a draou a bris huel,

Evit qer Batavia; en Indes eus a sav eol,

Dre amzer gaer ha joa deus an eqipach oll.

An eqipach-se voa deimeus a zeitec den :

An autrou Louis Bouët, voa genta cabiten;

Benead Marsaud, eilyet. Un dranqilite barfet

A rene en o zones, hep sonch e nep torfet.

Goude beza güerzet an oll varc'hadourez,

Ar carg ar vatimant hep dale a nevez

Deimeus a draou brecius a dallie daou e hant
mil scoët,

E gemerjont ar môr hac int contant meurbet.

An dalvoudeguez vras demeus ar gargueson
A laqa en Marsaud ur goal ambition;
An diaoul deu d'e denti hac a laq en e speret
En em ampar a dout, neus fors dre bez torfet.

Formi ra ur c'homplod hac en em laq er penn,
Hac e choas consortet evit dont d'e zifen.

Qerqent en em glevjont ta, hac ebars en un instant

En em rentjont mestrou demeus ar vatimant.

Arrêt, den miserabl! ha sonch eus un Doue
Pini a bunisso da oll grimou un de.

Mes Marsaud oll furoret hac en un arrach euzus,
En em decid d'ar c'hrim, allas! ar maleurus.

Ar paour qez cabiten a servich var ar pont,
Gant an drous a glêvas a voe carguet a spont;
Marsaud a zaillas varnàn, gant darn eus e consortet,

Evel tod furius, hac er môr voe tolet.

Ar spouron, ar revolt a zo en un instant

Etre'r vartolodet ebars er vatimant:

Pelec'h ma hor c'habiten? a gri e darn a ur voez;

Rentit anezan deomp, hor mignon eo enna.

Inutil e zeo comz eno deus ar bourreo:

Nep rêson vad ebet en nep fêçon na gleo;

Vel ul leon arrajet, Marsaud, hep misericord.

A stlap al letanant gant furor dreist ar bord.

O clasq dont da essât savetat e vue,

En em dalc'h ouz qerden ar vatimant neuz.

Mes ar furius Marsaud a ras dezân discregni,
Hac en tolas ive er môr evit beuzi.

Neuze e gonsortet a zaillas var un all,
Piti laque eves eus o desseinou fall;
Mes evel an daou gueuta, en despit d'e oll gou-
râch,

Eo stringet bars er môr... Doue pebes arrach!
Ar mestr Herve erru, armet eus ur gontel,
Evit clasq dere' hel penn demeure an dud rebel,
A zo qerqent assommet a dollou cros pistolen
Ha tolet bars er môr gant an dud inhuman.

Ar pautr yaouanc Dossel a zo neuze galvet
Vit servich da bastur bars er môr d'ar pesqet.
• Pardon! pardon, emezân; ah! roit din an
sinzer

• Vit ma scrifin d'am zad va diveza-lizer... •
Nan, nan, eme Marsaud, luutil e zeo ze:
Te yel gant ar re all da foug ar môr ive,
Ar buguel paour zo stlapet neuze ebars er
môr don,

O c'houlen ouz Doue e venediction.
Un all en deveus bet ivez ar memes fin,
Dre urz an den barbar hac infam assassin.
Ceto ta'e libe'e h den beuzet, dre urzou an den ha-
gar!

Fremi a ra dre oll ar môr hac an douar,
Ne oûn penos n'eo deut an lân demens an eo
Da bullec'hi eno autor ar c'hrimou-se!
• Justic'ouz un Doue! penos oc'h eus permetlet

Da guement a grimou beza accomplisset ! ..

Stouomp dirac justic ar Vajeste divin :

Abred pe drvezad ar c'hrim en devo lin.

Ma n'eo get ar c'hriminal scoet gant justic ar
bed.

Ar Barner Souveren certen n'er manco get,

Marsaud, barbar Marsaud ! poursu, poursu
da rout....

Bâr eo da oll grimou ! dorn Doue zo varnout !

Na elles mui achapi ouz rebech da gonscianc ;

A lonç ar môr e sav ar c'hiri : Venjanc ! ven-
janc !

O Doue, va C'hrouer ! penos ellout compren

En deus ellet Marsaud dont da veuzi seiz dep !

Ket e vije counnaret dre valiç an drouc-speret,

Vit dont da goumetti qeolies a dorlet.

Sonjal a ras qerqent, en e gonsclusion,

Douet da bartaji neuze ar garguezon ;

Mes an disput o devoe, o rentas adversourien ;

N'ellont en em entent en nep fecon a gren.

Erruet en Newport d'an devez eus ar zul,

E rencjot mont da gaout an autrou Vic-Consul,

Pebini, dre e furnes hac e vras attañtion,

En em douetas diouc h-tu demeus an drahison.

Neuze e gonsortet, po devez se gouezef,

A zo prest ha buan qerqent oll achapet ;

Mes goude r'certen amzer, Raymond, unahanèze

Zo digasset da Vrest ha barnet goude-se.

Arrêlet voe Marsaud, digasset neuze prest

Exit beza barnet er guêr demens a Vrest.
 Bars ar memes batimant e voa calz eus a destou,
 A ras anavezout eno e oll grimou.

An testou zo clêvet, hac o deus deposet
 Scîlêr mad d'ar barnerien qement voa erruet :
 Marsaud meurbet effrontet ha carguet eus a
 vombanç,

A voa terrubl hardi ha leun a arroganç.

Inutil e zeo dit faussi da baperiou ;
 Var da faç e veler gravet da oll grimou :
 Unan c'hoas a vançe did; beuzi res da vouir
 vignon ,

An torfetour Gording, ar joa en da galon.

Herves an testeni, Raymont zo bet cavet
 Nebeutoc'h criminal, hac e zeo condaonet
 Da dremen e oll vue ranfermet en ur prison
 Da laçat ar remors d'antren en e galon.

Ar c'hoezeca vis meurs eo Marsaud condaonet
 Gant tribunal a Vrest da veza dibennet
 Var blacen vras ar C'hâstel, da rei squer da
 bepini

Var moment diveza ar c'riminal impi.

Qerqent m en deus gouezet e voa bet con-
 daonet,

Ar remors en e greiz a zo bet antreet.

O clasq hasten e vuez en deveus bet rappellet.

Mez ar setanç zo bet en antier qendalc'het.

Cetu eta an den leun a ambition,

Goude e oll grimou treantet e galon !

Oh ! Marsaud, muntret infam, evit da grimou
euzus,

Te a renco eta souffr ur maro mezus !

D'an deg eus a vis mae, abardaes o veza,
Voe lennet e arrêt en e brison dezà.

Qerqent en em interroch, hac e sant en e galon
Ar c'hoant da gaout sicour eus ar Religion.

Laqat a ras pedi an Autrou Graveran
Person a Sant-Louis, dont da gaout anezad.
Ar person vertuzus-mâ gant hast zo en em
rentet

Da gonsoli Marsaud, a voa dija semplet.

Goude m'en devezs bet ar gonsolation
Da receo ar sicour deus ar Religion,

Ar person a ro dezàn ar grucifi da boqat,
Qerqent Marsaud a zant e gourach o creñvit.

En eur boqat d'ar groas, Marsaud ar ma-
leurus.

A grie gant glac har : pardon, pardon, Jesus !
Me zo ur muntret infam ; m'ho ped, deut d'an
pardon !

E faveur ar maro e zàn da anduri.

Rentet e traou'r challod, e poqas c'hoas d'ar
groas,

Ha demeus ar person neuze e tristroas,

Evit e drugarecat demeus an oll vadeles

En devoa deurvezet caout vit ur pec'her qes.

Pa bign var ar challod eo meurbet estonet
O velet un nombi bras a dud eno rentet.

Ractal n'em ro d'ar bourreo; emedi en e bou-
voar :

E benn zo diruillet qerqent var an douar,

Justic an dud a zo eta accomplisset ;

Ar victimou , ar mor a zo brema venjet.

Er guis-se ec'h echuo atao an oll vuntreien :

Abred pe divezat ec'h erru o zermen.

Ur bobl immanç a voa var blacen ar C'hastel

Evit guelet Marsaud o tonet da vervel.

Goaset, graguez, bugale, voa en em gavet eno :

Pebes arvest horrubl voa qementse dezo !

C'hoqi , tadou ha mamou pere neus bugale ,

Elevit aneze ebars doujanç Doue :

Grit macarint ar vertus, ma cassaint ar c'hrimou,

Hac e vezint eurus ar rest eus o deizioù.

Goulenomp ouz Doue d'hor guonderc hel
bepret

En hon Religion , exant a bep pec'het ,

Evit ma teuimp un deiz , goude hor poar, da
repos ,

Gant an oll re eurus e gloar ar barados.

FIN.

E Montroulez, e ti LÉDAN, e traon ru ar Vur.